



宋繫太平御覽



1卷3
403
40



13
403
40



太平御覽卷第二百四十一

職官部三十九

中郎將

虎賁中郎將

四中郎將

中郎將

中郎將

中郎將

中郎將

中郎將

中郎將

中郎將

中郎將

中郎將



左右中郎將

雜中郎將

騎都尉

中郎將

中郎將

中郎將

中郎將

中郎將

中郎將

中郎將

中郎將

中郎將

新金圖書

此係明八年八月
卅日諸田一人
卅日諸田一人
卅日諸田一人

八幡中

新金圖書

漢書曰武帝拜張騫為中郎將使西域
又曰宣帝即位詔曰朕微眇時故掖庭令張賀輔導朕躬
賀有孤孫霸七歲拜為中郎將
又曰宣帝時楊惲為中郎將郎官故事郎出錢市財用給
文書乃得出名曰山郎
皆以法令從事有罪過輒奏免郎官化之莫不自勵
又曰司馬相如為中郎將持節過蜀縣令負弩前導蜀人

以爲榮
又曰衛綰爲中郎將醇謹無他孝景幸上林詔中郎將參乘還問曰君知所以得參乘乎綰曰臣代戲車士得功次遷待罪中郎將不知也

又曰張安世長子千秋與霍光子禹俱爲中郎將將兵隨渡遼將軍范明友擊烏桓還謁大將軍光問千秋戰鬪方略山川形勢千秋口對兵事畫地成圖無所忘失問禹禹不能記曰皆有文書光由是賢千秋以禹爲不才歎曰霍氏世衰張氏興矣後霍禹誅滅安世子相繼爲侍中常侍列校尉者十餘人

又曰卜式爲中郎初式不願爲郎上曰吾有羊在上林欲令子牧之式卽爲郎而牧羊歲餘肥息上善之式曰非獨羊也治民亦猶是矣以時起居惡者輒去無令敗羣上奇

其言

東觀漢記曰更始入長安多用羣小時人爲之語曰竈下養中郎將

後漢書曰董卓以呂布爲騎都尉誓爲父子甚愛信之遷至中郎將卓自知凶恣每懷猜畏行止嘗以布自衛小失卓意拔手戟擲之布拳捷得免而改容顧謝卓意亦解布由是陰怨於卓

蜀志曰霍峻字仲邈南郡支江人也兄篤於鄉里合部曲數百人篤卒荆州牧劉表令峻攝其衆表卒峻率衆歸先主先主以峻爲中郎將

又曰劉焉字君郎江夏竟陵人少仕州郡以宗室拜中郎後以師祝公喪去官

又曰張飛字益德涿郡人也少與關羽俱事先主羽年長

數歲兄事之先主從曹公破呂布還許昌曹公拜羽飛為中郎將

五官中郎將

續漢書曰五官中郎將一人比二千石主五官也五官中郎

比六百石無負五官侍郎比三百石無負凡官皆主更直

東觀漢記曰江革字次翁拜五官中郎將每朝會天子使

虎賁扶持帝自禮之有疾不會輒遣太官送食醪恩寵莫

比

續漢書曰張純字伯仁遷五官中郎將純在朝歷世明習

故事建武初舊章多闕每有疑議輒以訪純自郊廟婚冠

喪紀禮儀多所正定帝甚重之一日或數四引見

謝承漢書曰樊英字秀齊順帝備禮徵拜五官中郎將數

月以病遜位歸

應劭漢官儀曰五官中郎將秦官也秩比二千石三署郎

屬焉

魏武令曰告子文沙等悉為侯而子桓獨不封而為五官

郎將此是太子可知矣魏志建安十五年為五官中郎將副丞相者也

左中郎將

天文錄曰郎將星若今之左右郎將也故星讚曰郎將一

星主閹具為武備

漢書曰辛慶忌字子真從光祿大夫遷左曹中郎將

後漢書曰左官為左中郎將擊武陵賊降凡將兵二十餘

年以信謹質朴故常見用

續漢書曰丞官遷左中郎將數進忠諫論議守正不希世

遇朝臣憚其節名稱聞於匈奴單于遣使來貢求見官詔

勅官自整頓官曰夷狄眩名非識實也聞臣虛稱故欲見

太平御覽

卷二百四十一

三

臣臣醜陋形寢見必輕賤不如選長大有威容者特以大
鴻臚魏應示之

又曰楊秉字叔節以尚書侍講蔡邕字伯喈以侍中並為
左中郎將

又曰皇甫嵩為左中郎將擊匈奴
漢舊儀曰左中郎將秩比二千石主謁者

右中郎將

漢書曰段會宗字子松為右中郎將

續漢書曰朱儁為右中郎將持節擊潁川長社賊

漢舊儀曰右中郎將秩比二千石主常侍侍郎

蜀志曰宗預為右中郎將將命使吳

虎賁中郎將

應劭漢官儀曰虎賁中郎將古官也書稱武王伐紂戎車

三百兩虎賁三千人擒紂於牧之野言其猛怒如虎之奔
赴平帝元始元年更名虎賁郎占有勇者孟賁改奔為賁
中郎將冠兩鵞尾鵞鷲鳥中之異勁者也每所懼取應爪
摧碎鵞尾上黨所貢

周禮夏官下虎賁氏曰虎賁掌先後王而趨以卒伍軍旅

會同亦如之舍則守王閑

閑挂柅也

尚書牧誓曰戎車三百兩虎賁三千人與受戰于牧野作

牧誓

周書曰古有虎賁士千人以牛投牛以馬投馬以車捧車

漢書百官表曰期門僕射秩比千石平帝元始元年更名

虎賁郎置中郎將秩比二千石

東觀漢記曰馬援從隴西太守遷虎賁中郎將

又曰馬后不以私家干朝廷兄為虎賁中郎將訖永平世

不轉
 又曰明德太后姊子夏壽等私呼虎賁張鳴與敖戲爭鬪
 上特詔曰爾虎賁將軍蒙國厚恩位在中臣宿衛禁門當
 進人不避仇讎舉罰不避親戚今者反於殿中交通輕薄
 虎賁蘭內所使至命欲相殺於殿下不避門內畏懦恣縱
 故不逐捕此皆生於不學之門所致也

又曰馬廖在隗皆從羽林監遷虎賁中郎將
 續漢書曰魯國孔融為北軍中候三日遷虎賁中郎將

又曰虎賁中郎將比二千石主虎賁宿衛也左右僕射左右陞長
 各一人僕射主虎賁郎將陞長主直虎賁朝會在殿之下

又曰虎賁武騎皆鶡冠虎文單衣襄邑歲獻織成虎文云
 鶡者勇雉也其鬪死乃止

又曰虎賁中郎將秩比二千石虎賁中郎比六百石虎賁

侍郎比四百石虎賁郎中比三百石節從虎賁比二百石
 皆無員數掌宿衛侍從虎賁武騎皆鶡冠虎文單衣
 謝承後漢書曰建武十八年夏旱公卿皆暴露請雨洛陽
 令着車蓋出門候何湯將衛士鈞令車收案有詔免令官
 拜湯虎賁中郎將上常歎曰赳赳武夫公侯干城何湯之
 謂也

漢官典職曰虎賁中郎將主虎賁千五百人郎多至千人
 漢名臣奏曰丞相薛宣奏漢興以來深考古義推萬變之
 備於是制宜室出入之義正輕重之罰故司馬殿省闕至
 五六里周衛擊刀斗竟門自近臣侍側尚不得著劍入防
 未然也陛下聖德純備海內晏然此國家之明制必前後
 備虎賁

漢舊儀日期門騎者隴西工射獵人及能用五兵材力二

百人王莽以為虎賁郎

劉謙之晉紀曰栢玄欲復虎賁中郎將疑應直與不訪之僚佐咸莫能定參軍劉蘭之對曰昔潘岳為秋興賦序云兼虎賁中郎將寓直於散騎之省以此言之是直官也

後魏書曰韓茂膂力絕人尤善騎射太宗曾親征丁零翟猛茂為中軍執幢時大風諸軍旌旗皆偃仆茂於馬上持幢初不傾倒太宗異而問之徵茂所屬具以狀對太宗謂左右日記之尋徵詣行在所試以騎射太宗深奇之以茂為虎賁中郎將

九州春秋曰表術為虎賁中郎將張讓殺何進術斫閣起

魏志曰術燒南宮火嘉德殿青瑣門也

環濟要略曰漢武帝好微行因置期門郎與之期於殿門平帝改為虎賁中郎

張純別傳曰純字伯仁郊廟冠婚喪紀禮儀多所正定上甚重之以純兼虎賁中郎將一日數見

東中郎將

魏志曰蔣濟字子通文帝即位為東中郎將濟請留詔曰高祖歌曰安得猛士守四方天下未寧要須良臣以鎮邊境如其無事乃還鳴玉未為後也後曹仁薨復以濟為東中郎將代領其兵詔曰卿兼資文武志節忼慨常有超越江湖吞吳會之志故復授將帥之任

西中郎將

沈約宋書曰西中郎將南北東西中郎將後漢號也

南中郎將

魏志曰鄢陵侯彰為南中郎將

又曰臨淄侯植為南中郎將

晉諸公讚曰石崇為南中郎將

續漢書曰盧植為北中郎將征黃巾

魏志曰代郡烏丸反以曹彰為北中郎將臨發太祖誡之曰居家為父子受事為君臣

王隱晉書曰山濤為北中郎將守鄴

晉起居注曰武帝太始二年詔鄴城守事宜速有人又當得親親有文武器任者高陽王珪今來之國雖當出為蕃輔以才幹事亦古之制也其以珪為督鄴城守事北中郎將

晉中興書曰荀羨為北中郎將徐州刺史時年二十八郭泰別傳曰王叔優問才之所宜泰曰當以武官顯叔優後至北中郎將

雜中郎將

匈奴中郎將

續漢書曰張奐字然明與段紀明皇甫威明俱顯京師號為涼州三明並為匈奴中郎將

魏略曰河北始開冶遂以王脩為司金中郎將

脩聞枳棘之材無柱梁之質涓流之水無洪波之勢是以在職十年忠謹不昭於時功業不見於事力少任重不堪為擢

典農中郎將

魏志曰任峻字伯遠為典農中郎將數年所在積粟倉廩皆盈又曰母丘儉字仲恭河東聞喜人為洛陽典農時取農民

以治宮室儉上疏曰臣愚以為天下所急除者二賊所急務者衣食誠使二賊不滅士民飢凍雖崇美宮室猶無益也

魏略曰上以農殖大事將選典農以徐邈為潁川典農中郎將所在著稱

武衛中郎將

魏志曰許褚字仲康太祖與遂超等單馬會語左右皆不得從唯褚在超負其力陰欲突太祖素聞褚勇疑從騎是褚乃問太祖曰公有虎侯者安在太祖顧指褚褚瞋目眦之超不動乃各罷後數日會戰大破超等褚身斬首級遷武衛中郎將武衛之號自此始也

建義中郎將

後漢書曰表紹傳魏郡兵反賊有陶升者自號平漢將軍

英雄記曰升故為內黃小吏獨反諸賊將部眾踰西城入閉府門具車

重重輜載紹家及諸衣冠在州內者身自扞衛送到斥丘

斥丘縣屬鉅鹿郡故城今相州成安縣東南十三州志云地斥齒故曰斥丘也紹還因屯斥丘以

陶升為建義中郎將

都尉

史記曰甯成居家上欲以為郡守御史大夫公孫弘曰臣居山東為小吏時甯成為濟南都尉其治如狼牧羊誠不可令治民上乃拜成為關都尉

又曰汲黯字長孺為東海太守歲餘大治上聞召為主爵都尉治務在無為而已引大體不拘文法

漢書曰主爵中尉秦官掌列侯景帝中元六年更名都尉武帝太初元年更名右扶風治內史右地與左馮翊京兆是為三輔皆有兩丞

又曰韓信數以策干項羽羽弗用亡楚歸漢未得知名爲
連敖楚官坐法當斬信乃仰視滕公曰上不欲就天下乎而
斬壯士滕公奇壯之與語大說言於漢王以爲治粟都尉
東觀漢記曰樊曄與世祖有舊世祖嘗於新野坐文書事
被拘時曄爲市吏餽餌一笥上德之後拜爲河東尉臨發
之官引見雲臺賜御食衣被上啣曄曰一笥餌得都尉何
如曄頓首曰小臣蒙恩特見拔擢陛下不忘往舊臣得竭
死自効

又曰任延字長孫南陽宛人更始拜爲西部都尉年十九
迎吏見其少皆驚及到澹泊無爲下車遣吏以中牢具祠
延陵季子時天下新定道路不通諸避世江南者皆未還
會稽多士延到皆禮之卑請高行俊乂董子儀嚴子陵等
待以師友之禮行縣所到輒使勞孝子崇禮養善如此建

武之初上書言臣贊拜不由王庭願收骸骨詔書徵延民
攀持轂涕泣

漢官解詔云都尉將兵副佐太守備盜賊也

魏略曰積弩都尉秩比二千石後更爲典弩都尉又有典
鎧都尉秩與弩同皆屬積弩

又曰撫軍都尉秩比二千石本校事官始太祖欲廣耳目
使盧洪趙達二人主刺舉洪達多所陷入故于時軍中爲
之語曰不畏曹公但畏盧洪盧洪尚可趙達殺我後達竟
爲人迫死

魏志曰韓暨爲監冶謁者在職七年器用充實詔書褒歎
就加司金都尉班亞九卿

吳志曰孫桓字叔武儀容端正器懷聰明博學強記能論
議應對權常稱爲宗室顏淵擢爲武衛都尉從討關羽於

華容誘羽餘黨得五千人牛馬器械甚衆
臨海記曰漢元鼎五年立都尉府於候官以鎮撫二越所
謂東南一尉者也

黃帝占軍氣訣曰都尉氣如合抱之榆

周紹新論曰散騎侍郎武衛都尉孫奇字仲容年十七以
秀才入侍帷幄余作詩一篇美而風之恂恂周公美妙無
比誕姿既豐世胄有紀平南之孫奮威之子

胡廣邊都尉箴曰巍巍上聖光被八埏矧惟內面罔不來
賓季末陵遲王澤壅隔戎狄作難鬼方騷逃栢栢猛將是
攘是闕殷宗周宣用顯其績大漢龍興念存治平蕩蕩率
土來同門屏守撫其民尉典其戎五才並用文武程功

奉車都尉

韋昭辯釋名曰奉車都尉奉天子乘輿辯云奉車都尉主

乘輿乘車尊不敢言主故言奉

漢書曰奉車都尉掌御乘輿車

騎都尉

魏略曰李豐字安國年十七在鄴下名為清白識別人物
明帝時得吳降人問江東聞中國名士為誰降人云聞有
李安國者是時豐為黃門郎上曰豐名乃播於吳越耶後
轉拜騎都尉

又曰畢軌字昭先明帝在東宮時軌在文學中及即位入
為黃門郎拜騎都尉

魏志曰徐晃字公明河內東陽人也為郡吏從車騎將軍
楊奉討賊有功拜騎都尉

吳志曰駱統字公緒會稽烏傷人時飢荒多有困乏統為
飲食衰少其姊仁愛寡歸無子見統甚哀之數問其故統

曰士大夫糟糠不足我何心獨飽姊曰誠如是不告我而自苦若此乃自以私粟與統又以告母母亦賢之遂使分施由是顯名孫權以將軍領會稽太守統年二十試爲烏程相民戶過萬咸歎其惠理權嘉之召爲功曹行騎都尉

又曰孫權遣騎都尉趙咨使魏魏帝問曰吳王何等主也咨對曰聰明仁智雄略之主也帝問其狀咨曰納魯肅於凡器是其聰也拔呂蒙於行陣是其明也獲于禁而不害是其仁也取荊州而不血刃是其智也據三州而虎視天下是其雄也屈身於陛下是其略也

又曰顧承字子直嘉禾中與舅陸瑁俱以禮徵權賜丞相雍書曰貴孫子直令問休休至與相見過於所聞爲君嘉之拜騎都尉

吳志曰諸葛恪字元遜瑾長子也少知名弱冠拜騎都尉

太平御覽卷二百四十一

太平御覽卷一百四十二
職官部四十
諸校尉二號
羽林監
冗從僕射
屯騎校尉

太平御覽卷第二百四十二

職官部四十

諸校尉二號

羽林監

期門僕射

冗從僕射

屯騎校尉

陶氏職官要錄曰屯騎越騎步兵長水射聲五校尉案晉官晉承漢置以為宿衛官各領千兵興寧三年相温奏省五校尉永初元年復置以敘勲舊

東觀漢記曰劉磐字仲興兼屯騎校尉時五校官顯職閑府寺寬敞輿服光麗伎巧畢給故多宗室肺腑居之後漢書曰鄧閫妻耿氏有節操痛鄧氏誅廢子忠早卒乃養河南尹豹子嗣為閫後耿氏教之書學遂以通博稱永壽中與伏無忌延篤著書東觀官至屯騎校尉

蜀志曰宗預字德豔爲屯騎校尉車騎鄧艾自江州來朝謂預曰禮六十不服戎而卿受兵何也預荅曰卿七十不還兵我六十何爲不受耶復東聘吳孫權提預手涕泣遺大珠一斛

晉書曰濮陽王允爲屯騎校尉給千人營置長史司馬無忌讓屯騎校尉表曰屯騎之任職典禁旅禦衛事重必宜其人豈臣微弱所可克堪

越騎校尉

漢書百官表曰屯兵越騎校尉如淳曰越人內附以爲騎也晉灼曰其才力超越後漢書曰越騎校尉鄧康以太后久臨朝政宗門盛滿數上書長樂宮諫爭宜崇公室自損私權言甚切至太后不從康心懷畏懼永寧元年遂謝病不朝

又曰桓郁遷越騎校尉詔勅太子諸王各奉賀致禮郁數進忠言多見納錄

又曰董卓傳越騎校尉汝南伍孚忿卓凶毒思手刃之及朝懷佩刀以見卓孚語畢辭去卓起送至閣以手撫其背孚因出刀刺之不中孚自奮得免急呼左右執殺孚而大詬曰虜欲反耶孚大言曰恨不得磔裂奸賊於都市以謝天地言未畢而斃謝承後漢書曰曹節弟破石爲越騎校尉越騎營五伯妻有美色破石從求之五伯不敢違妻執意不肯行遂自殺破石淫暴無道多此類也

步兵校尉

漢書曰步兵校尉掌上林苑門東觀漢記曰崔篆王莽時爲郡文學以明經徵詣公車太

保甄豐舉爲步兵校尉篆辭曰吾聞伐國不問仁人戰陣不訪儒士此舉奚至哉遂投劾歸

又曰梁不疑拜步兵校尉上書曰列校之職上應天工下厭羣望實非過少所任

梁史曰韋粲長八尺容觀甚偉初爲雲麾晉安王行參軍後爲外兵參軍兼中兵時潁川庾仲容吳郡張率前輩才名與粲同府並忘年交好及王爲皇太子粲自記室遷步兵校尉

後魏春秋曰阮籍以世多故祿仕而已聞步兵缺厨多美酒營人善釀求爲校尉遂縱酒昏酣遺落世事

長水校尉

釋名曰長水校尉長於水戰用船之事韋昭辯云長水校尉典胡騎不主水戰也其廩近水故以爲名

東觀漢記曰賈宗字武孺爲長水校尉數言便宜賞賜殊特上美宗既有武節又兼經術每燕會令與當世大儒司徒丁鴻問難經傳

蜀志曰秦宓爲長水校尉吳遣張溫來聘百官皆往餞而宓後往既至溫曰彼何人也亮曰益州學者也及至溫問宓曰君學乎荅曰五尺童子皆學何必小人荅問如響應聲而出溫大敬服之

王隱晉書曰下邳王晃起家爲長水校尉給千人營置長史司馬

射聲校尉

漢書曰射聲校尉掌待詔射聲應劭曰士工射者冥中聞聲射之則中因以名也須待所命而射

東觀漢記曰班超在西域三十一歲還洛陽拜爲射聲校

尉

續漢書曰曹褒遷射聲校尉案行營舍不葬者悉為買空地葬之設祭吏士咸稱其仁

王隱晉書曰武帝詔曰射聲校尉胡奮外掌方任內參九列不宜同之常例勿使人直

何法盛晉中興書曰劉超字世瑜中書郎遷為射聲校尉時軍校無兵義興人多義隨超因領之號為君子營以實宿衛

中壘校尉

漢書曰中壘校尉武帝置也世祖中興省掌北軍壘門內

胡騎校尉

漢書曰胡騎校尉掌池陽胡騎不常置

虎賁校尉

漢書虎賁校尉掌輕車武帝初置有丞司馬秩比二千石

城門校尉

後漢書曰赤眉與李松戰生得松時松弟汎為城門校尉赤眉使使謂之曰開城門活汝兄汎即開門。環濟要略曰城門校尉高帝置秩二千石出從緹騎百二十人

嫖姚校尉

漢書為票姚服虔音剽搖帥古曰勁疾之兒

漢書曰霍去病以皇后姊子年十八為侍中善騎射為嫖姚校尉

護羌校尉

東觀漢記曰鄧訓為護羌校尉諸胡皆喜義從羌胡俗恥病死每疾臨困輒以刀自刺訓聞其困者輒拘持纏束不與兵刀使醫藥療理愈者非一小大莫不感悅及訓病卒

官吏入羌胡愛惜旦夕臨者數千人

護烏桓校尉

續漢書曰護烏桓校尉一人主烏桓胡比二千石

應劭漢官儀曰護烏桓校尉孝武帝時烏桓屬漢始於幽

州置之擁節監領秩比二千石

魏略曰母丘儉字仲恭為荊幽二州刺史持節領護烏桓

校尉

戊巳校尉

東觀漢記曰耿恭字伯宗永平中始置西域都護戊巳校

尉乃以恭為戊巳校尉

南蠻校尉

傅暢晉諸公讚曰王戎為荊州刺史揚烈將軍領南蠻校

尉

南夷校尉

沉約宋書曰護南夷校尉晉武帝立治寧州江左改曰護

鎮蠻校尉

西夷校尉

沉約宋書曰護西夷校尉晉武帝立治寧州江左平蜀後

治涪城終晉世晉太康三年置永嘉中益州刺史領西夷校尉校尉太元末廢荆州表復之又治涪城也

西域校尉

沉約宋書曰護西域校尉晉武帝立治雍州江左廢安帝

元興中又置寄治西陽

寧蠻校尉

沈約宋書曰寧蠻校尉晉安帝置治襄陽郡以授魯宗之

三巴校尉

齊職儀曰三巴校尉銀印青綬虎冠絳朝服宋太始五年

置以巴東巴西梓潼建平五郡隸焉建元二年省校尉改置巴州刺史

忠義校尉

吳志曰是儀從孫權討關羽拜忠義校尉儀上表陳謝權令曰孤雖非趙簡子卿安得不自屈為周舍耶

懷義校尉

吳志曰太傅馬日磾杖節安集關東在壽春以禮辟孫策表拜懷義校尉

折衝校尉

吳志曰表術表孫策為折衝校尉行殄寇將軍

朔軍校尉

王隱晉書曰太康中伐吳還欲以王濬為五官校尉而無缺始置朔軍校尉班同長水步兵以梁益所省兵為營

材官校尉

魏略曰材官校尉黃初中置秩比二千石主天下材官屬少府

驍騎校尉

魏略曰董卓表太祖為驍騎校尉又被徵為典軍校尉

典農校尉

魏略曰典農校尉太祖置秩比二千石

司農度支校尉

魏略曰司農度支校尉黃初四年置秩比二千石掌諸軍兵田

建義校尉

吳志曰朱據傳孫權咨嗟將帥追思呂蒙張溫以為據才兼文武可以繼之由是拜建義校尉領兵屯姑熟

武衛校尉

吳志曰朱才字君業為人精敏善騎射權愛異之常侍從遊戲少以父任為武衛校尉

滅虜校尉

吳志曰賀景為滅虜校尉御衆嚴而有恩兵器精飾

西園八校尉

范曄後漢書曰中平五年初置西園八校尉

東宮三校尉

沈約宋書曰武帝永初二年置東宮屯騎步兵翊軍三校尉

羽林監

漢書百官表曰羽林俠飛期門武帝太初元年置名曰建章營騎後更名羽林取從軍死事之子孫教以五兵號曰

羽林孤兒

又曰甘延壽字君况以良家子善騎射為羽林投石拔距絕於等倫超踰羽林亭樓由是遷為郎

續漢書曰羽林左右監皆冠鶡冠

應劭漢官儀曰羽林者言其為國羽翼如林盛也一名為嚴郎言其禦侮嚴厲其後簡取五營高才別為左右監監

羽林左右騎父死子繼與虎賁同

漢雜事曰竇固以羽林監為中郎將征西羌還中郎印綬復為羽林監

漢名臣奏曰曹褒上疏王者莫不制禮樂詔褒即先序禮樂以帝新制一篇冠首擢褒監羽林左騎

魏略曰桓範字元則為羽林左監以才學與王象等典集皇覽

魏志曰夏侯玄字太初弱冠爲黃門侍郎嘗進見與皇后弟毛曾並坐玄恥之不悅形於色明帝恨左遷羽林監梁冀別傳曰冀妻孫壽從弟安以童幼拜黃門侍郎羽林監

期門僕射

漢書曰建元二年上微行始出北至池陽西至黃山南獵長楊東遊宜春微行常用飲酎八九月中與侍中常侍武騎及待詔隴西北地良家子能射者期諸殿門故有期門之號自此始也後漢書曰陰興守期門僕射典將武騎從征伐平定郡國輿每從出入常操持小蓋障翳風雨躬履塗泥率先期門光武所幸之處輒先入清宮甚見親信

冗從僕射

續漢志曰冗從僕射秩比六百石武帝置期門郎有僕射常從游獵或以宦者爲之號冗從黃門僕射居則直門戶行則騎從桓帝永壽三年置冗從僕射續漢志曰先臘一日大儺逐疫鬼冗從僕射將之逐惡鬼于禁中

魏志曰冗從僕射畢軌表尙書僕射王思精勤舊吏忠亮計略不及辛毗宜以毗代思

晉武起居注曰東莞王世子瑾貞固和詳有識見才幹以爲冗從僕射

傅暢晉諸公讚曰司馬滕字元邁文獻王泰之第三子也性沉壯起家爲冗從僕射滕意欲棄官以自顯出爲郡守

太平御覽卷第二百四十二

太平御覽卷第二百四十二
（此處為極淡的印文，內容難以辨認）

太平御覽卷第二百四十三

職官部四十一

- | | | |
|--------|-----|------|
| 儀同 | 特進 | 摠叙大夫 |
| 金紫光祿大夫 | | 光祿大夫 |
| 太中大夫 | 中大夫 | 中散大夫 |
| 柱國 | 奉朝請 | 致仕官 |

儀同

東觀漢記曰鄧騭字昭伯延平元年拜為車騎將軍儀同三司儀同三司始自騭也

蜀志曰黃權降魏文帝善之景初三年拜車騎將軍儀同三司

王隱晉書曰太始七年以鄭袤為司馬天子臨軒遣使就第拜授袤遣息稱疾上送印綬至于十數久之見許以侯

就第拜儀同三司置舍人官騎賜床帳篋褥錢五十萬
又曰華廙爲太子少傅甚得輔導之義河南尹韓壽賈后
之妹夫欲以女配廙不許由是有恨故不正三司疾篤乃
拜儀同三司

晉起居注曰太始八年詔曰衛將軍羊祜歷文武有佐命
之勳其爲車騎將軍開府如三司之儀

又曰元年詔曰中書監光祿大夫張華歷世腹心情所憑
賴故疇其勳績使儀同三司而虛沖挹損難違高尚其以
華爲光祿大夫儀同三司本職如故又給親信滿百人

又曰元康元年詔曰光祿大夫王戎光祿大夫裴楷開府
辟召儀同三司

晉中興書曰郗愔咸安元年拜都督浙江東五都諸軍事
進位鎮軍開府儀同三司辭不受

又曰蔡謨免皇太后詔以謨爲左光祿大夫開府儀同三
司遣謁者孟洪就加冊命謨上疏陳謝遂以疾篤不朝賜
机杖門施行馬

齊書曰徐孝嗣加開府儀同三司孝嗣聞有詔歛容謂左
右曰吾德慙古人位登袞職將何以堪之明君可以理奪
必當死請若不獲命正當角巾丘園待罪家巷耳固讓不
受

齊職儀曰開府儀同三司置舍人官騎建初三年馬防爲
車騎將軍儀同三司魏以黃權爲車騎開府此後甚衆將
軍開府依大司馬宋服光祿大夫開府依司徒皂服
北史曰裴文舉武成二年就加使持節驃騎大將軍儀同
三司蜀土沃饒商販百倍或有勸文舉規利文舉荅之曰
利之爲貴莫若安身身安道隆非貨之謂是以不爲非惡

財也

後周書曰李賢遷驃騎大將軍開府儀同三司太祖之奉
魏太子西巡也至原州遂幸賢第讓齒而坐行鄉飲酒禮
焉其後太祖又至原州令賢乘輅備儀服以諸侯會遇禮
相見然後幸賢弟歡宴終日凡是親族頒賜有差
陳書章昭達以平留異功授鎮前將軍開府儀同三司初
文帝嘗夢昭達升台鉉及旦以夢告之至是侍宴酒酣顧
昭達曰卿憶夢不可以償夢昭達對曰當效犬馬之用以
盡臣節自餘無以奉償

隋書曰何稠安集嶺南有欽州刺史寧猛力帥眾迎軍初
猛力掘疆山洞欲圖爲逆至是惶懼請身入朝稠以其疾
篤因示無猜貳遂放還州與之約曰八九月閒可詣京師
相見稠還奏狀上意不懌其年十月猛力卒上謂稠曰汝

不將猛力來今竟死矣稠曰猛力共臣爲約假令身死當
遣子入侍越人性直其子必來初猛力臨終誠其子長眞
曰我與大使爲約不可失信於國士汝葬我訖卽宜上路
長眞如言入朝上大悅曰何稠著信蠻夷乃至於此以勳
授開府

齊王儉拜儀同三司章曰臣聞日中則昃盈虛之定分器
滿必傾往覆之常理遂乃班同衮章燮和台曜外參論道
內摠百司物議惟塵自識非據

梁庾肩吾爲武陵王拜儀同章曰臣宅慶紫霄聯休皇極
地均指日旣無跡而成高仕若乘風故不行而自遠今者
四郊無壘天下同文都尉春田猶居塞外單于冬獵不入
漁陽臣坐牧三邊非勞七戰豈能屯兵大夏封萬里之侯
飛箭聊城受千金之壽論其才望有懼茂弘先佩印綬常

蓋叔度○隋江總大保蕭公謝儀同三司表曰阪泉戰曾無汗馬之勞代邸運籌又闕前驅之勇薄伐專征早遊邊外執玉奉酎又虧朝則王人降止朝冊遠臨奉述勅書曲停表奏滄波阻負既杜劫仲之辭關路悠長致絕趙衰之讓心馳紫路登文石而莫由目送白雲拜承明之未果

特進

東觀漢記曰鄧禹右將軍官罷以特進奉朝請

漢雜事曰諸侯功德優盛朝廷所敬異者賜位特進在三公上無秩

後漢書曰梁商以女立為皇后妹為貴人加商位特進更增國士賜安車駟馬

謝承後漢書曰趙典道懿尊為國師位特進七為列卿寢布被瓦器食也

晉書百官表曰特進官品第二漢制皇后之父率為此官傅咸奏曰公品第一執珪坐侍臣之上特進品第二執皮帛坐侍臣之下今啓特進宜執璧繼公

沉約宋書曰特進魏世驃騎將軍劉放衛將軍孫資等遜位以侯就第並位特進其諸官加特進者從本官供給特進但為班位而已不別有吏卒車服也

齊職儀曰特進以功德特進見之

後魏書曰刁雍拜特進皇興年中雍與隴西王源賀及中書監高允等並以耆年特見優禮錫雍几杖劍履上殿日致珍羞焉

北史曰穆紹加特進時侍中元順與紹同官順嘗因醉入寢所紹擁被而起正色讓順曰老身二十年侍中與卿先君亟連職事縱卿後進何宜相排突也遂謝事還家詔諭

乃起
唐書官品志曰特進左右光祿金紫銀青等光祿大夫用人俱以舊德就閑者居之

摠敘大夫

白虎通曰大夫為言大扶進人也

毛詩衛淇澳碩人曰大夫夙退無使君勞大夫未退君聽朝於路寢夫人

聽內事於正寢大夫退然後罷也箋云莊姜始來時衛諸大夫朝夕者皆早退無使我君之勞倦以君夫人新為配

偶且親之也

毛詩節南山雨無正曰正大夫離居莫知我勩勩勞也箋云正長也

官長之大夫厲王流于彘而皆散處無復知我民之見疲勞也三事大夫莫肯夙夜邦君

諸侯莫肯朝夕箋云王流在外三公及諸侯隨而行者皆無君臣之禮不肯晨夜朝暮省王也

周禮秋官下朝大夫曰掌都家之國治都家王子弟公卿及大夫之采地也

凡都家之治於國者必因其朝大夫然後聽之

禮記曲禮上曰大夫七十而致事若不得謝謝去也君食其德而留之則必賜之几杖行役以婦人適四方乘安車自稱曰老夫於其國則稱名越國而問焉必告之以其制他國問其老之告者必以制度

金紫光祿大夫

千寶晉紀曰尚書僕射季胤母喪拜金紫光祿大夫給吏卒門施行馬

三國典略曰房謨本姓屋氏高勃海王入洛授金紫光祿大夫累賜奴婢率多放免王後賜生口黥面為房字而付之

光祿大夫

漢書百官表曰光祿勳屬官有大夫掌議論

漢書曰谷永既為大將軍王鳳擢為光祿大夫永奏書謝

鳳曰永斗筭之材質薄學朽無一日之雅左右之介將軍
悅其狂言擢之皂衣之吏廁之爭臣之末

又曰金日磾爲光祿大夫親近未嘗有過上信愛之

又曰貢禹上書云臣貧老家貧不滿萬錢拜光祿大夫賜
益多家益富伏自念無報厚德日夜慙愧

又曰杜陵王仲翁霍光以爲光祿大夫仲翁出入蒼頭廬
兒傳呼甚尊寵

又曰蔡義上書云臣山東草萊之人行能無所比容貌不
及衆然而不弃人倫者以聞道於先師願賜清閒之譙得
舒精思於前上卽召見說詩甚悅擢爲光祿大夫

東觀漢記曰張堪字子孝爲光祿大夫數諫堪常乘白馬
光武每有異政輒曰白馬生且復諫矣

又曰樊宏字靡卿爲光祿大夫爲人謙素畏慎每朝會迎

莽先到俯伏待事時至乃起帝聞之勅臨朝乃告勿令豫
到

後漢書曰鄧太后從樊准議悉以公田賦與貧人卽擢准

與議郎呂倉並守光祿大夫准使冀州倉使兗州准到部

開倉廩食廩慰安生業流人咸得蘇息

又曰魏文帝受禪欲以楊彪爲太尉先遣使示旨彪辭曰
彪備漢三公遭代傾亂不能有所補益老年被病豈可贊

惟新之朝遂固辭乃授光祿大夫賜几杖衣袍因朝會引
見令彪著布單衣鹿皮冠杖而入待以賓客之禮

華矯後漢書曰鄧彪遭後母憂毀瘠過禮因疾乞身以光
祿大夫行服

漢書解詁曰武帝以中大夫爲光祿大夫與博士俱以儒
雅之選異官通職周官所謂官聯者也溫故知新率由舊

章皆能明古今辨章舊聞者也
漢書百官表注曰光祿大夫古官也銀章青綬
漢官儀曰光祿大夫秩比二千石不言屬光祿大夫勳門
外特施行馬以旌別之
魏志曰常林字伯槐河內温人也特論林節操清峻欲致
之公輔而林遂稱疾篤拜光祿大夫
又曰黃初四年詔給光祿大夫楊彪吏卒門施行馬
吳志曰八月遣光祿大夫周奕石偉巡行風俗察將吏清
濁民所疾苦爲黜陟之詔
王隱晉書曰劉毅字仲雄年七十告老以光祿大夫致仕
門施行馬賜錢百三十萬
晉書曰王覽爲宗正卿致仕詔遣殿中醫療疾給藥後轉
光祿大夫門施行馬

又曰鄭衰魏景元初疾病失明屢乞骸骨不許拜光祿大
夫

又曰華表字偉容歆子也太始中爲太中大夫祿賜與卿
同門施行馬

晉陽秋曰李喜乞老以爲光祿大夫門施行馬

晉中興書曰王蘊字仁修烈宗將納后訪于公卿僕射安
曰王蘊地望可與國定婚既立徵拜金紫光祿大夫
又曰祖納字士言少持操行能言名理遷右光祿大夫
又曰荀組字太章潁川人也弱冠太尉王夷甫見而稱之
爲光祿大夫

又曰荀松字景猷組族子也弱冠大原王濟甚相器重拜
右光祿大夫

又曰賀循字彥先會稽人也節操高厲童胤不羣言行舉

動必以禮讓行有餘力則精書學由是博覽羣書尤明三禮爲江表儒宗拜右光祿大夫

又曰顧和字君季榮族子也和二歲失父摠角便有清操弱冠知名族父榮雅器之曰此吾家千里駒也興吾宗者必此子矣康帝即位爲尚書僕射更拜銀青光祿大夫又遷左光祿大夫

晉諸公贊衛尉傅祗以風疾遜位加光祿大夫門施行馬齊書云周盤龍世祖講武令盤龍領軍校尉騁稍以疾爲光祿大夫

後魏書曰李茂字中宗爲光祿大夫茂性謙慎以弟仲寵盛懼於盈滿遂託以老疾固請遜位高祖從之聽食大夫祿還私第

汝南先賢傳曰郭憲爲光祿大夫上欲到三輔憲諫曰天

下初定車駕未可以巡土遂行憲當車拔佩刀以斷車鞞上不止到弘農兵起潁川上曰恨不用光祿之言於是乃還

樊英別傳曰詔書告南陽太守五官中郎將樊英委榮辭祿不降其節志不可奪今以英爲光祿賜還家在所縣給穀千斛常以八月存高年給羊一頭酒三斛

荀氏家傳曰闔字道明性清靜善談論遷光祿大夫以君面似胡明帝謂爲神明胡子

太中大夫

韋昭辨釋名曰太中大夫大夫之中最高大也

漢書曰陸賈楚人也以客從高祖定天下以口辨居左右常使諸侯中國初定尉佗平南越因王之高祖使賈賜佗印爲南越王賈說佗令稱臣奉漢約歸報高帝大悅拜賈

為太中大夫

又曰東方朔字曼倩平原厭次人也拜太中大夫觀察顏色直言切諫上常用之

東觀漢記曰來歙字君叔南陽新野人也歙有大志慷慨治春秋左氏東詣洛陽見上大喜曰君叔獨勞苦即解被襜褕以衣歙拜太中大夫

後漢書徵郭伋為太中大夫賜宅一區及帷帳錢穀以充其家伋輒散與宗親九族無所遺餘

司馬彪續漢書曰張湛拜太中大夫病居中東門候舍故時人號之為中東門君上數存問賞賜

魏志曰管寧字幼安北海朱虛人也年十六喪父中表愍其孤貧咸共贖贖悉辭不受長八尺美鬚眉與平原華歆同縣郡原相友黃初四年詔公卿舉獨行君子司徒華歆

薦寧文帝以寧為太中大夫固辭不受

又曰韓暨字公至明帝詔曰太中大夫暨澡身浴德志節高潔年逾七十守道弥固可謂純篤老而益劭者也其以暨為司徒

吳志曰裴玄字彥黃下邳人也少有學行官至太中大夫梁書曰顧憲之字士思風疾求還吳天監二年授太中大夫雖累年宰郡資無擔石及歸環堵不免飢寒

中大夫

漢書曰晁錯對策書百餘人唯錯為高最乃遷為中大夫又曰倪寬以侍御史見上語經學從問尚書一篇擢為中大夫

中散大夫

東觀漢記曰牟長字君高少篤學治歐陽尚書諸生著錄

前後萬人建武十四年徵爲中散大夫
後漢書曰魯丕字叔陵遷中散大夫時賈逵薦丕道藝深
明宜見任用因和帝朝會召見諸儒丕與侍中賈逵尚書
令黃香等相難數事帝善丕說罷朝特賜冠幘履襪衣一
襲

續漢書曰譙玄字君黃能說春秋遷中散大夫

柱國

北史曰李敏美姿容善騎射開皇初周宣后樂平公主有
女娥英妙擇婚對勅貴公子弟集弘聖宮者日以百數公
主選取敏禮儀如帝女後將侍宴公主謂敏曰我以天下
與至尊唯一女夫當爲汝求柱國若授餘官慎無謝及進
見上親御琵琶敏舞大悅謂公主曰敏何官對曰一白丁
耳上謂敏可授儀同敏不答上曰不滿尔意耶令授開府

又不謝上曰公主有大功於我敏迺拜蹈舞遂於坐發詔
授柱國○五代史後唐天成三年五月詔曰開府儀同三
司階之極太師官之極封王爵之極上柱國勳之極近代
已來文臣官階稍高便授柱國歲月未深便轉上柱國武
資不計何人初官便授上柱國官爵非無次第階勳備有
等差宜自此時重修舊制今後凡是加勳先自武騎尉經
十二轉乃授上柱國永作成規不令踰越雖有是命竟不
革前例

奉朝請

漢書曰王陵爲太傅杜門謝疾竟不朝請

續漢書曰前漢列侯奉朝請在長安位次三公漢武時宣
帝爲皇曾孫令奉朝請
東觀漢記曰建武中鄧禹罷大司徒以特進奉朝請

漢官解詁曰三輔職如郡守獨奉朝請成帝丞相張禹遜位特進奉朝請又以關內侯蕭望之奉朝請奉朝請之號則非爲官如淳曰諸侯春朝天子曰朝秋日請惟國戚及勳門子弟爲之但預朝請會而已
晉起居注曰孝武寧康三年詔隴西王世子越駙馬都尉楊邈並可奉朝請侍從左右與太子遊戲
沈約宋書曰奉朝請無負亦不爲官漢東京罷省三公外戚宗室多奉朝請奉朝請者奉朝會請召而已
又曰王劭弘子恢之被召爲祕書郎劭弘求爲奉朝請與恢之書曰祕書郎有限故有競朝請無限故無競吾欲使汝處於不競之地太祖嘉而許之
北齊書曰祖鴻勳爲州主簿僕射臨淮王彧表薦鴻勳有文學宜試以一官勅除奉朝請人謂之曰臨淮舉卿便以

得竟不相謝恐非鴻勳曰爲國舉才臨淮之務祖鴻勳何事從而謝之或聞而喜曰吾得其人

後魏書曰崔光韶事親以孝聞初除奉朝請光韶與弟光伯雙生操業相伴特相友愛遂經吏部尚書李冲讓官於光伯辭色懇至冲爲奏聞高祖嘉而許之

又曰裴詢字劼叔美儀兒多藝能音律博奕咸所開解起家奉朝請

又曰梁景伯生於桑乾少喪父以孝聞家貧備書自給養母甚謹尚書盧淵稱之於李冲冲特典選拔爲奉朝請

致仕官

晉書曰王祥致仕詔賜几杖床帳簞蓐以舍人六人爲睢陵公舍人

又曰鄭冲致仕詔賜安車駟馬床帳簞蓐

五代史曰鄭韜以戶部尚書致仕自襁褓迨於懸車事真
偽十一君凡七十載所任無官謗無私過三持使節不辱
命士無賢不肖皆恭己接納晚年背偃時人咸曰鄭偃不
透平生交友之中無隙怨親族之間無愛憎恬和自如性
尚閑簡及致政歸洛甚愜終焉之旨

太平御覽卷第二百四十三

太平御覽卷第二百四十四

職官部四十二

太子太師

太子少師

太子太傅

太子少傅

太子太保

太子少保

太子太師

太子少師

太子太傅

太子少傅

太子太保

太子少保

六典曰太子三師以道德輔教太子者也至於動靜起居
言語視聽皆有以師焉

禮記文王世子曰教世子必以禮樂樂所以修內也禮所
以修外也禮樂交錯於中發形於外是故其成也懌出則

有師是以教喻而德成也師也者教之以事而論諸德也
大戴禮曰昔者周成王幼在襁褓之中太公爲太師

唐書官品志曰太子太師太傅太保是爲三師掌師範訓
導輔劫

太子太傅

禮記曰三王教太子立太傅少傅以養之太傅在前少傅在後

史記曰萬石君名奮無文學恭謹無比遷爲太子太傅

漢書曰夏侯勝爲太子太傅受詔撰尚書論語說賜黃金百斤年九十卒官賜冢塋葬平陵太子賜錢二百萬爲勝素服五日以報師傅之恩儒者以爲榮

又曰景帝立栗太子以竇嬰爲太傅十年栗太子廢嬰爭不能謝病屏居藍田山下數月諸竇賓客辯士說請遂起朝

又曰蕭望之字長倩爲太子太傅以論語授太子

又曰叔孫通爲太傅高帝欲立趙王廢太子通諫曰昔晉獻公以驪姬故廢立太子晉國亂者數十年秦不早定扶

蘇終使滅祀今太子仁孝陛下必廢嫡立庶臣願先伏誅以頸血汙地上曰公罷吾戲耳通曰太子天下本本一搖天下振動奈何以天下戲乎

又曰疎廣字仲翁爲太傅弟受爲少傅朝廷以爲榮皆請免歸鄉里公卿祖餞東都門外百姓觀者歎曰賢哉二大夫初太子外祖許伯以太子少請使其弟舜監護太子家廣曰太子國儲副君師友必擇天下英俊不宜獨親外家今官屬以備若親暱外家非所以廣太子德於天下也上善之

東觀漢記曰建安二十八年大會百官詔問誰可傅太子者群臣承意皆言太子舅執金吾陰識可博士張佚正色曰今陛下立太子爲陰氏乎爲天下乎卽爲陰氏則陰侯可爲天下則固宜用天下之賢才上稱善曰欲置傅者以

輔太子也今博士不難正朕況太子乎即拜爲太子太傅
又曰張湛字子孝爲太子太傅及郭后廢因稱疾拜太中
大夫病居中東門候舍故時人號中東門君帝數存問賞
賜後大司徒戴涉被誅帝強起湛以代之至朝堂遺失漉
因自陳疾篤不能復任朝事遂罷之

後漢書曰明帝以鄧禹先帝名臣拜太子太傅也

應劭漢官曰太子太傅日就月將琢磨玉質言太子有玉
之質琢磨以道也

魏志曰何夔代涼茂爲太子太傅每月朔太傅入見太子
正法服而禮焉

吳志曰吳粲遷太子太傅遭二宮之變抗言執正明嫡庶
之分欲使魯王出住夏口遣楊竺不得令在都邑又數以
消息語陸遜遜時駐武昌連表諫爭由是爲竺等所譖害

又曰孫權寢疾徵大將軍諸葛恪爲太子太傅會稽太守
滕胤爲大常並受詔輔太子

又曰闕澤字德潤會稽山陰人拜太子太傅領中書孫權
嘗問書傳篇賦何者爲美澤欲諷諭以明治亂因對賈誼
過秦論最美權覽讀焉

又曰程秉字德樞汝南南頓人也秉事鄭玄避亂交州與
劉熙考論大義遂博通五經士燮命爲長史權聞其名儒
以禮徵秉既到拜太子太傅

又曰張溫字惠恕吳郡吳人也溫少脩節操容貌奇偉權
聞之以問公卿曰溫當今與誰爲比太司農劉基曰可與
全琮爲輩太常顧雍曰基未詳其爲人也今無輩權曰如
是張允不死也徵到廷見文辭占對觀者傾竦權改容加
禮罷出張昭執其手曰老夫託意君宜明之拜議郎選曹

尚書尋遷太子太傅
晉起居注曰武帝太始三年始置太子二傅是時官事大小皆由二傅太傅立章少傅寫之
晉中興書曰賀循字彥先為太子太傅詔曰循清直履道秉尚貞貴居身以沖約為本立德以仁讓為行可躬訓儲宮默而成化
唐書官品志曰太子太傅一人位視尚書令少傅一人位視左僕射
魏故事曰太傅於太子不稱臣少傅稱臣

太子太保

禮記曰保也者慎其身以輔翼之而歸諸道者也
晉書曰劉寔字子真以特進開府加太子太保
晉中興書曰懷帝以荀組為侍中特進行太子太保

傳暢諸公晉贊曰賈充為太尉行太子太保以公位重其為保傅或行或領各隨其時
後魏書曰顯祖將禪位於京兆郡王子推任城王雲隴西王源賀並固諫陸馱抗言曰皇太子聖德承基四海屬望不可橫議干國之紀臣請刎頸殿廷有死無二久之帝意乃解詔曰馱直臣也其能保吾子乎遂以馱為太保

六典曰太子三少掌奉皇太子以觀三師之道德而教諭焉曰太子少師曰太子少傅曰太子少保
晉書曰惠帝以衛尉裴楷為太子少師
宋書曰太子少師少保並晉置
後魏書曰郭祚領太子少師曾從世宗幸東宮肅宗幼弱祚懷一黃鴈出奉肅宗時應詔左右趙桃弓與御史王顯

層齒爲世宗所信祚私事之時人謗祚者以爲挑弓僕射黃颯少師

唐書官品志曰太子少師少傅少保是爲三少各一人掌奉皇太子以觀三師之德出則三師在前三少在後

又曰李綱拜太子少師綱有脚疾不堪踐履太宗特賜步輿令綱乘至閣下數引禁中問以政道又令輦入東宮皇

太子引上殿親拜之綱於是陳君臣父子之道問寢視膳之方理順詞直聽者忘倦

又曰貞觀十三年以左僕射房玄齡爲太子少師玄齡上表遜位詔不許太宗因謂侍臣曰太子師保古難其選若

成王幼小以周公爲傅左右皆賢日聞雅訓自幼及長便爲聖君秦之胡亥趙高傅之教以刑法及其立也誅功臣

殺親族酷烈不已旋踵而亡以此言之善惡由於習近

又曰唐休璟年力雖衰進取弥銳時官人賀婁氏用事而

休璟爲男取其養女因以自達拜太子少師時譏議之

又曰長慶中以兼太常卿趙宗儒爲太子少師太常有師

子樂備五方之色非會朝聘享不作焉至是中人掌教坊

之樂者移牒取之宗儒不敢違以狀白宰相以爲事在有

司執守不合關白而宗儒憂恐不已宰相責以懦怯不任

事故換此散秩

陶氏職官錄曰三少舊視左僕射冠服同三太也

太子少傅
漢書曰上謂張良曰子房雖疾強起傅太子時叔孫通已
爲太傅以良行少傅事
又曰匡衡字稚圭爲太子少傅數上書陳便宜少好學家
貧備力以供資用

東觀漢記曰建興二十八年以栢榮爲少傅賜以輜車乘馬榮大會諸生陳車馬印綬曰今日所蒙稽古之力也可不勉乎

後漢書曰徵王丹爲太子少傅時大司徒侯霸欲與交友及丹被徵遣子昱候於道昱迎拜車下丹下答之昱曰家公欲與君結交何爲見拜丹曰君房有是言丹未之許也續漢書王丹字仲回爲太子少傅譽諤正直名德重於時魏志曰邢顒字子昂初太子未定而臨淄侯植有寵丁儀等並讚翼其美太祖問顒顒對曰以庶代宗先世之戒也願殿下深重察之太祖識其意後遂以爲太子少傅

吳志曰薛綜綜子瑩瑩子兼三世並爲太子少傅談者美之

晉書曰山濤轉太子少傅在東宮年已七十病疾求退手

詔不聽尋講武於宣武場有詔濤乘步輦導皇太子入時尙書僕射盧欽與濤言及孫武用兵本意武帝欣然而言曰山少傅故是天下談士也舉坐傾心又曰何曾議太子少傅當稱臣拜荀顒曰太之與少自二傅之名次耳非於太子有輕重也詔曰秦漢已來舊章廢滅隨時改作其故事不可依用宜遠准古義定二傅不臣拜

又曰王雅爲太子少傅時朝望屬王珣珣亦頗以自許及中詔用雅衆遂赴雅焉將拜遇雨請以繖入王珣不許之因冒雨而拜雅既貴倖威權甚振門下車騎常數百而善應接傾心禮之

晉中興書曰周顒字伯仁拜太子少傅顒上疏曰臣退自忖省學不通一經智不効一官止足良難未能守分不悟天監忘臣頑蔽乃欲使臣內管銓衡外忝傅訓質輕蟬翼

事重千鈞此之不可不待識而明矣
後周書曰蕭圓肅武帝建德三年授太子少傅增邑九百
戶圓肅以任當師傅調護是職乃作少傅箴曰惟王建國
辯方正位左史記言右史書事莫不撥立太子爲皇之貳
是以易稱明兩禮云上嗣東序養德震方主器東駿就學
宵雅便肆朝讀百篇乙夜乃寐愛日惜力寸陰無棄視膳
再飯寢門三至小心翼翼大孝烝烝詢謀計慮問對疑承
安樂必敬無忘戰兢夫天道益謙人道惡盈漢嗣不絕乎
馳道魏儲迴還乎鄴城前史攸載後世揚名三善旣備萬
國以貞姬周長久實賴元良羸秦短祚誠由少陽雖卜年
七百有德過曆而昌數世一萬無德不及而亡敬之敬之
天惟顯思光副皇極永固洪基觀德勸諭敢告職司太子
見而悅之致書勞問

陳書曰孝明帝在東宮宣武皇帝欲以崔光爲太子師傅
光固辭帝令太子南面再拜宮官皆從太子拜光北面立
不敢答拜惟西面拜謝而出乃授光太子少傅
傅玄太子少傅箴曰夫金木無常方貞應形亦有隱括習
以性成故近朱者赤近墨者黑聲和則響清形正則影直
正人在側德義盈堂鮑肆先入蘭蕙不芳傅臣司訓敢告
君王

太子少保

晉書曰懷帝以光祿劉蕃爲太子少保

晉諸公讚曰惠帝以吏部尚書和嶠爲太子少保

唐書曰李綱字文紀爲太子少保高祖以綱隋代名臣甚
加優禮每手勅未嘗稱名其見重如此

唐新語曰李適之爲右相李林甫密奏其好酒頗妨政事

玄宗惑焉乃除太子少保適之遽命親故勸會賦詩日避賢初罷相樂聖且銜杯為問門前客今朝幾箇來舉朝服其度量

晉書公傳曰惠帝以支裕尚書味帥為太子少保裕之或晉書曰裕帝以支裕尚書味帥為太子少保裕之或

太平御覽卷第二百四十四

太平御覽卷第二百四十五
職官部四十三

太子賓客

太子詹事

太子少詹事

太子中庶子

太子左右庶子

太子賓客

六典曰太子賓客掌侍從規諫贊相禮儀而先後焉凡皇太子有賓客宴會則為之上齒

漢書曰高祖欲廢太子吕后用張良計致商山四皓以為賓客又孝武帝為太子立博望苑以使通賓客則其義也

太子詹事

六典曰太子詹事之職掌統東宮三寺十率府之政令辨其綱紀而修其職務少詹事為之貳凡太子六官之典制皆視其事而承受焉

俗說曰江夷爲右僕射主上欲用其領詹事語王淮卿可
覓比例淮對曰臣當出外尋訪淮後見主上問近所道事
卿已得比例未准曰唯謝琰右僕射領詹事琰即謝公之
子恐夷非其例事遂不行

應劭漢官儀曰詹事秦官詹省也給也秩比二千石
漢書曰竇嬰字王孫孝景即位爲詹事帝弟梁孝王母竇
太后愛之孝王朝酒酣上從容曰千秋萬歲後傳王太后
歡嬰引危酒進上曰天下者高帝天下父子相傳漢之約
也上何以得傳梁王太后由是憎嬰

又曰孔光父霸字次孺宣帝時以授太子經爲詹事

又曰詹事掌皇后太子家有丞屬諸官皆屬焉成帝鴻嘉
三年帝省詹事屬大長秋

晉書曰卞壺爲詹事世稱卞壺裁斷切直敦實忠於事上

也

晉起居注曰孝武帝以王恭丹陽尹領詹事恭讓表曰今
皇儲始建四方是式摠司之任崇替所由宜妙簡才賢盡
一時之勝豈臣最庸所可叨忝

晉公卿禮秩曰太始中立詹事掌宮事

沉約宋書曰詹事一人初領官屬成帝時悉屬少傅魏氏
置詹事摠衆職晉初又屬二傅咸寧元年復置詹事
齊職儀曰詹事品第三茂陵書秩二千石銀章青綬扃擬
尚書令位視領護將軍

陳書曰後主欲以江摠爲太子詹事令管記陸瑜言之於
孔奐奐謂瑜曰江有潘陸之華而無園綺之實輔弼儲官
竊有所難瑜具以白後主後主深以爲恨乃自言於高宗
高宗許之奐乃奏曰江摠文華之人今皇太子文華不少

無藉於摠如臣愚見願選敦重之才以居輔導帝曰即如卿言誰當居此奐曰都官尚書王廙世有懿德識性敦敏可以居太子詹事奐又奏曰宋朝范曄即范泰之子亦爲太子詹事前代不疑後主固爭之帝卒以摠爲詹事唐書曰蘇弁改太子詹事弁初入朝班位失序殿中侍御史鄒儒立對仗彈之弁於金吾待罪數刻特釋放舊制太子詹事班次太常宗正卿之下貞元三年御史中丞竇參敘定班位移詹事在河南太原尹之下弁乃引舊班制立臺官詰之仍給云已白宰相請依舊故爲儒立彈之又曰龍朔二年改詹事爲端尹詹事府爲端尹府王珉荅徐邈書曰詹事彈一官加尚書左丞矣

太子少詹事

唐書曰張行成轉太子少詹事太宗東征皇太子於定州

監國即行成本邑也太子謂行成曰今者送公衣錦還鄉於是令有司祀其先人墓

太子中庶子

漢書百官表曰太子中庶子職侍中

漢書曰王商字子威涿郡蠡吾人商少爲太子中庶子以肅敬見稱

又曰歐陽地餘字長賓爲中庶子授皇太子經

又曰馮野王通詩以父任爲太子中庶子

魏志曰鮑勛字叔業清白有高節知名當世爲中庶子在東宮正色不撓

蜀志曰後主立太子璿以霍弋爲中庶子璿好馳射出入無度弋援引古事盡言規諫甚得切磋之體

吳志曰孫登爲太子時太傅張溫言於權曰夫中庶子官

最親密切問近對宜用俊彥於是乃用陳表等爲中庶子
後又以庶子禮拘復令勅中侍坐

又曰羊衛音道初爲中庶子年二十時廷尉監隱蕃結交豪傑自衛將軍全琮等皆願心敬待惟衛及宣詔郎楊迪拒絕不與通時人怪之而蕃後叛逆衆乃服之

晉書曰安平王孚初爲魏太子中庶子魏武帝崩太子號哭過甚孚諫曰大行晏駕天下恃殿下爲命當上爲宗廟下爲萬國奈何効疋夫之孝太子良久乃止曰卿言是也時羣臣初聞帝崩相聚號哭無復行列孚厲聲於朝曰今大行晏駕天下震動當早拜嗣君以鎮海內而但哭耶孚與尚書和洽奉太子以即位是爲文帝

又曰溫嶠爲中庶子獻侍臣箴甚見補益

又曰王恂啓以相謙爲中庶子曰東宮之選中庶子管摠

門下尤不可不得其才也

晉起居注曰武帝咸寧元年詔曰男子皇甫謐沉靜履素守學好古與流俗異趣其以謐爲太子中庶子

晉中興書曰殷仲堪少好學能清言善屬文人士咸欽愛之以孝行稱烈宗聞其名召爲太子中庶子甚相知悅又曰溫嶠拜太子中庶子嶠在東宮特見嘉寵僚屬莫與爲比嶠與阮放等共勸太子遊談老莊不教以經史太子甚愛之數規諫諷議

又曰肅宗之在東宮孔演領太子中庶子于時中興肇構庶事草創演經學淵博該識舊典朝儀軌制多取正焉由是元明二帝並親愛之

沉約宋書曰中庶子漢置古者世祿鄉大夫之子卽爲副倅謂之國子天子諸侯世子必有庶子官以掌教之

齊書曰表粲言於帝曰臣觀張緒有正始遺風宜爲官職復轉中庶子
陳書曰王瑒父冲嘗爲瑒辭領中庶子世祖顧謂冲曰所以久留瑒於承華正欲使太子微有瑒風法耳
唐書官品志曰中庶子四人功高者一人爲祭酒行則負璽前後部護駕

陶氏家傳曰侃遷太子中庶子君少而好學善談玄理尤明詩易以孝行聞于時儲選殊難其人特召君焉
山公啓事曰中庶子缺宜得俊茂者以濟陰太守留儼城陽太守石崇參選
晉齊王攸與山濤書曰太子中庶子東宮顯職加侍接左右誠宜得篤粹有行檢之人必允衆望
太子左右庶子

六典曰左庶子之職掌侍從贊相駁正啓奏中允爲之貳凡皇太子從祀朝會則版奏外辨中嚴入則解嚴焉凡令書下左春坊則與中允司議郎等覆啓以畫諾右庶子之職掌侍從左右獻納啓奏中舍人爲之貳凡皇太子監國於宮內下令書太子親晝日至春坊則宣傳之
禮記曰古者天子有庶子之官職諸侯卿大夫之庶子掌其戒令與其教理別其等正其位國有大事則師國子而致於太子唯所用之若有甲兵事則授之車甲合其卒伍置子有司

漢書曰成帝以傅喜有志行爲太子庶子
魏志曰鮑勛字叔業爲庶子在東宮正色不撓
魏氏春秋曰阮渾字長威籍之子也少知名爲太子庶子
吳志曰華融字德庭廣陵江都人祖父避亂居山陰時皇

象亦寓居山陰吳郡張溫來就象學欲得所舍或告溫曰
有華德麤者雖年少美有令志可舍也溫遂止融家朝夕
談講俄而溫爲選部尚書乃推擢融爲太子庶子遂知名
顯達

晉書曰鄭默武帝時太原郭奕俱爲庶子朝廷以太子官
屬宜稱陪臣默上言皇太子體皇極之尊無私於天下官
臣皆受命天朝不同藩國事遂不施行
晉起居注曰太康十年詔尚書郎王琛每所陳論意在忠
讜其以爲太子庶子

隋書曰劉行本爲太子左庶子時左衛率長史夏侯福爲
太子所昵嘗於閣內與太子戲福大笑聲聞於外行本時
在閣下聞之待其出行本數之曰殿下寬容賜汝顏色汝
何物小人敢爲褻慢因付執法者治之數日太子爲福致

請乃釋之

隋書曰劉行本爲左庶子太子嘗得良馬令夏侯福乘而
觀之太子甚悅因欲令行本乘行本不從正色而進曰至
尊置臣於庶子之位者欲令輔導殿下以正道非爲殿下
作弄臣也太子慙而止

又曰劉行本拜太子左庶子領治書如故皇太子虛襟敬
憚時唐令則亦爲左庶子太子昵狎之每令以絃歌教內
人行本責之曰庶子當匡太子以正道何有嬖昵房帷之
間哉令則甚慙而不能改

又曰劉行本爲左庶子卒後及太子勇廢文帝曰若使劉
行本在勇當不及於此
唐書官品志曰庶子四人掌侍從左右獻納得失高功者
一人與舍人共掌其坊之禁令

又曰貞觀中詔曰皇太子與百官書疏未有制式近代已來例皆名白無以別貴賤今凡處分論事之書皇太子並宜稱令右庶子已下署名宜奉行書案晝日其餘與諸親及師傅等書不在此限

又曰于志寧爲太子右庶子撰諫苑二十卷以進於太子承軌也

又曰杜正倫爲太子左庶子太宗謂曰國之儲副自古所重必擇善人爲之輔佐今太子年在幼沖志意未定朕若朝夕見之可得隨事誠約今既委以監國不在目前知卿志懷貞慤能執直道故輟卿於朕以匡太子宜知委任輕重也

又曰太宗謂太子左庶子于志寧曰古者太子既生卜士負之即置輔弼昔成王幼小周邵爲傅日聞正道習以成

性今皇太子既幼卿當輔之正道無使邪僻開其心勉之無怠當稱所委官嘗可不次而得也

又曰李百藥授太子右庶子時太子頗留意典墳然閑讌之後嬉戲過度百藥作贊道賦以諷焉詞多不載太宗見而遣使謂百藥曰朕於皇太子處見卿所獻賦悉述古來儲二事以誡太子甚是典要朕選卿以輔弼太子正爲此事大稱所委但須善始令終耳因賜綵物三百段

又曰李義琰爲太子右庶子同中書門下三品義琰博學多識典故上每有顧問言多切直章懷太子之廢也上慰勉官寮盡捨罪令復其位薛元超等皆舞蹈謝恩義琰獨引罪涕泣時論美之

山濤啓事曰東宮官屬宜得高茂者庶子賈模缺宜補劉粹周蔚惟加所裁詔用粹

環濟要略曰庶子主宮中并諸吏之適子及支庶在版籍者也行其秩序作其徒役授八次八舍之職以徵候

庶子主宮中并諸吏之適子及支庶在版籍者也行其秩序作其徒役授八次八舍之職以徵候

太平御覽卷第二百四十五

庶子主宮中并諸吏之適子及支庶在版籍者也行其秩序作其徒役授八次八舍之職以徵候

太平御覽卷第二百四十六

職官部四十四

太子左右贊善大夫

太子司議郎

太子舍人

太子左右贊善大夫

太子中舍人

太子通事舍人

太子洗馬

六典曰左贊善大夫掌翊贊太子以規諷也皇太子出入動靜苟非其德義則必陳古以箴焉右贊善大夫掌如其左凡皇太子朝宮臣則列於右階之下唐書曰貞元十六年以山人崔芋為右贊善大夫充太子侍直新名也

太子洗馬

六典曰洗馬掌四庫圖籍繕寫刊緝之事立正本副本以

備供進凡天下之圖書上於東宮者皆受而藏之
國語曰夫差爲勾踐洗馬

續漢書百官志曰洗馬員十六人秩六百石如謁者太子
出則當直一人在前導威儀蓋洗馬之義也

漢書曰司馬安少與汲黯爲太子洗馬安爲人深巧善宦
四至九卿

魏略曰顏斐字文林以才學爲太子洗馬

晉書曰江統爲洗馬太子頗好遊宴或闕朝侍統以五事
諫之

又曰解系兄弟少連叔連各清身潔己仕皆爲洗馬

梁書曰庾於陵拜太子洗馬舊東宮官屬通爲清選洗馬
掌文翰尤其清者近世用人皆取甲族有才望者時於陵
與周捨並擢充職高祖曰官以人而清豈限以甲族時論

以爲美

唐書曰李綱字文紀隋開皇末爲太子洗馬皇太子勇嘗
以歲首宴官臣左庶子唐令則自請奏琵琶又歌武嬪娘
之曲綱自勇曰令則身任宮卿職當調護乃於宴座自比
倡優進淫聲穢視聽事若上聞罪在不測豈不累於殿下
臣請遽正其罪勇曰我欲爲樂耳君勿多事綱趨而出及
勇廢黜文帝召東宮官屬切讓之無敢對者綱對曰今日
之事乃陛下之過非太子罪也太子才非上品性是常人
若得賢明之士輔道之足堪繼嗣皇業方今多士盈朝當
擇賢居任奈何以絃歌鷹犬之才日在其側致令至此乃
陛下誠道不足豈太子之罪耶辭氣凜然左右皆爲之失
色文帝曰令汝在彼豈非擇人

文士傳曰江統字應元召補洗馬每有疑滯大事章表奏

議輒爲同官所推常爲之作草。韓子曰勾踐入官於吳
執干戈爲吳王洗馬故能殺夫差於姑蘇

傅咸申懷賦序曰余自無施謬爲衆論所許補太子洗馬
才不稱職意常默然

傅咸感別賦序曰友人魯庶叔雅量弘濟思心遠遠余自
少與之相長情相親愛有如同生其後遷太子洗馬俄而
謬蒙朝私猥忝斯職雖懼不稱而喜得與此子同班共事
天下之遇未有若此周旋三載魯生遷尚書郎雖別不遠
而情甚悵恨退作茲賦云爾

徐邈問王珉曰漢法制洗馬冠高山冠職如謁者中朝新
制洗馬進賢冠出則在馬前清道故曰洗馬

太子司議郎

六典曰司議郎掌侍從規諫駁正啓奏凡皇太子出入朝

謁從享及釋奠於先聖先師講學齒胄撫軍監國之命可
傳於史冊者並錄爲記注若宮坊之內祥瑞災眚官長除
拜薨卒亦皆記之每歲終則送史館

唐書曰敬播以撰實錄功遷太子司議郎時此官初置極
爲清望中書令馬周歎曰所恨資品望高不獲歷居此職
又曰貞觀中皇太子表曰臣聞直筆記言司諫箴週蓋
絕代之通訓乃垂裕於當今臣以暇日遐覽前志竊惟古
之養德咸有史官所以補闕拾遺爲砥爲礪彰善瘴惡如
切如磋譬立准而端形猶琢玉而成器故大戴禮曰太子
免於保傅之嚴則有司過之史漢書云太子旣冠成人乃
有記過之史是知姬誦登兩筆建此官劉啓昇儲憲章斯
義故能道溫玉裕聲聞宸宮上有慰於皇情下無虧於物
議臣地居問寢齒在橫經越以幼年夙蒙天獎趨紫宸以

遵禮仰黃屋以承歡怙聖慈而益驕恃鍾心而取恣肅恭
 馳道恐或乖方晨昏視膳慮有違舛蒙泉始道必俟後乘
 之規離光未融懼寢前星之耀是以夙興夜寐內省多憂
 延首讜言冀匡童昧而魏晉已降不置此貪杜絕箴規何
 期甚謬伏惟陛下窮神稽古尚釋芻蕘之言玄覽文明猶
 開登石之路況臣冲藐未涉藝文出自深宮便親監撫之
 重罕從鼓篋疇識絃誦之宜一德有愆貽憂睿念三朝登
 餒何以勝任所以冒敢陳聞請遵故實願開史職故司箴
 誠是使綿載墜典復在聖朝資此正人少匡不逮於是門
 下坊置太子司議郎四人妙選名行之士爲之正六品上
 掌侍從規諫駁正啓奏并錄東宮記注分判坊事

又曰元讓有孝行則天朝中宗居東宮復徵拜司議郎及
 謁見則天謂曰卿既孝於家必能忠於國今授此職須知

朕意宜以孝道輔我兒也

又曰王元感濮州鄆城人也長安三年表上其所撰尚書
 紕謬十卷春秋振滯二十卷禮記繩愆三十卷并所注孝
 經史記藁草請官給紙筆寫上秘閣詔曰王元感質性溫
 敏博聞強記手不釋卷老而弥篤倚前達之失究先聖之
 旨是謂儒宗不可多得可太子司議郎兼崇賢館學士魏
 知古嘗稱其所撰書曰信可謂五經之指南也

太子中舍人

晉書曰杜錫預之子也累遷太子中舍人性亮直忠烈屢
 諫愍懷太子言辭懇切太子患之後置針著錫常所坐處
 羶中刺足流血他日太子問錫向者何事錫對醉不知太
 子諱之曰君喜責人何自作過也
 晉中興書曰顧榮清操南土秀望累遷太子中舍人

又曰顧榮字彥先時吳朝士人入洛者唯陸機陸雲及榮三人而機雲雖有才藻清望不及榮也選補吳王郎中令累遷太子中舍人

太子舍人

六典曰太子舍人掌侍從行令書令旨及表啓之事皇太子通表如諸臣之禮諸臣及宮臣上皇太子大事以牋小事以啓其封題皆曰上於右春坊通事舍人開封以進其事可施行者皆下於舍人與庶子參詳之然後進不可者則否

續漢書百官志曰舍人秩二百石無員更直宿衛如三署郎中

漢書曰文帝使晁錯詣伏生受尚書遷拜太子舍人東觀漢記曰侯霸字君房爲人嚴而有威爲太子舍人

漢雜事曰鄭當時爲太子舍人每五日洗沐常置驛馬長安諸郊請謝賓客以夜繼日常恐不遍然其交知皆天下名士也

魏志曰張茂上便宜擢爲太子舍人

晉書曰王衍以名聞超爲太子舍人

又曰元帝太興元年以太子紹舅虞胤爲舍人太子奏曰舅甥宜崇敬降舅氏之親爲侍臣詔乃轉胤爲常侍

沈約宋書曰王僧達瑯琊臨沂人太保弘之少子也太祖聞僧達早慧召於德陽殿問其書學及家事應對閑敏上甚嘉之以爲太子舍人

齊書曰張率建武三年舉秀才除太子舍人與同郡陸倕陸厥幼相友狎嘗同載詣左衛將軍沈約遇任昉在焉約謂昉曰此三子後進秀才皆南金也卿可與交由此與昉

友

梁書曰劉杳字士深爲舍人及昭明太子薨新宮建舊人例無住者勅特留杳焉

後魏書曰崔玄伯少有雋才號曰冀州神童苻融牧冀州虛心禮敬拜陽平公管征東記室出摠庶政入爲賓友衆務修理處斷無滯苻堅聞而奇之徵爲太子舍人

太子通事舍人

六典曰太子通事舍人掌導引宮臣辭見及承令勞問之事凡元正冬至百官與諸方之使者參見亦如之若皇太子行先一日京文武職事九品已上奉辭及還宮之明日亦如之

三國典略曰陳躬不害字長卿尚書右丞不佞兄也長於政事飾以儒術梁武帝時與庾肩吾俱爲東宮通事舍人直日奏事梁武謂肩吾曰卿是文學吏事非所長可使不害來耶

太平御覽卷第二百四十六

太平御覽卷第二百四十七
職官部四十五
太子率更令
太子家令
太子僕
典膳丞
侍讀
門大夫
左衛率
右衛率
前衛率
後衛率
左右內率府長史

太平御覽卷第二百四十七

職官部四十五

太子率更令

太子家令

太子僕

典膳丞

侍讀

門大夫

左衛率

右衛率

前衛率

後衛率

左右內率府長史

太子率更令

六典曰率更令之職掌宗族次序禮樂刑罰及刻漏之政
令凡皇太子釋奠於先聖先師講學齒胄皆撫其儀注而
為之導引若皇太子備禮出入乘輅車位亞家令焉
漢書曰顏師古注曰掌知漏刻日率更
續漢書百官志曰率更令秩千石與庶子舍人更直職似
光祿勳掌宮殿門戶之禁郎將屯衛之士

晉起居注曰武帝太康八年詔曰太子率更僕東宮之達官也其進品第五秩與中庶子左右衛率同職擬光祿勳也
隋書曰明克讓轉率更令進爵爲侯太子以師道處之恩禮甚厚有四方珍味輒以賜之于時東宮盛徵天下才學之士至於博物洽聞皆出其下
唐書官品志曰率更令掌伎樂漏刻也
物理論曰今有呂子義清賢士也爲太子率更令

太子家令

六典曰家令之職掌皇太子之飲膳食儲庫藏之政令摠食官典倉司藏三署之官屬皇太子備禮出入則乘輅車具威儀先諸臣以導引若祭祀賓客則供酒食以爲獻主
漢書曰文帝以晁錯爲太子家令多所獻替稱爲智囊

漢書曰踈受字公子爲太子家令恭謹敏而有辭宣帝置酒太子宫受奉觴上壽辭禮閑雅上甚歡愜

續漢書百官志曰太子家令秩千石主倉穀物職如司農少府擬廷尉也

蜀志曰譙周字尹南後主爲太子以周爲家令後主時頗出遊觀增廣聲樂周上諫曰昔王莽之敗豪桀並起跨州據郡欲併神器於是賢才智士思望所歸未必以其勢之廣狹唯其德之薄厚也

宋書曰太子家令主內茵蓐床机諸供中之物又知官奴婢月用錢內庫米鹽車牛刑獄

太子僕

唐書官品志曰家令掌刑法食膳倉庫什物奴婢等事
六典曰太子僕之職掌車輿乘騎儀仗之政令及喪葬之

禮物辨其次敘與其出入而供給之皇太子之車輅三一日金輅二日輅車三日四望車凡皇太子備禮而出則率廐牧令進輅僕親馭焉

後漢書太子少傅屬官有太子僕一人秩千石主車馬職如太僕太子五日一朝非入朝日遣僕及中允朝朝人請問起居

沉約宋書曰太子僕秦官也

宋起居注曰元嘉中以散騎常侍荀伯子爲太子僕隋書曰抑肅遷太子僕太子廢坐除名爲民大業中帝與段達語及庶人罪惡之狀達云柳肅在宮大見踈斥帝問其故荅曰學士劉臻嘗進章仇太翼於宮中爲巫蠱事肅知而諫曰殿下帝之冢子位當儲貳誠在不孝無患見疑劉臻書生鼓播唇舌適足以相誑誤願陛下勿納之庶人

不憚他日謂臻曰汝何故漏洩使柳肅知之令面折我唐書官品志曰太子僕掌宗族親踈車輿騎乘也

太子典膳丞

六典曰典膳郎掌進膳嘗食之事丞爲之貳每夕局官於廚更直

北齊書曰門下妨始別置典膳局有監丞各二人

唐書曰邢文偉滁州全椒人也遷太子典膳丞時孝劾在東宮罕與宮臣接見文偉輒減膳上書曰臣竊見禮戴記曰太子旣冠成人免於保傅之嚴則有司過之史徹膳之宰史之義不得不可過宰之義不得不徹膳今皇帝式稽前典妙簡英俊自庶子已下至諮議舍人及學士侍讀等使翼佐殿下以成聖德近者以來未甚延納談議不狎謁見尚稀三朝之後但與內人獨居何由發揮聖智使濬哲

文明者乎今史雖闕官宰當奉職忝備所司不敢逃死謹守禮經輒申減膳太子荅書曰顧以庸虛早尚墳典每欲研精政術極意書林但往在幼年未閑將衛竭誠孰誦因即損心比日以來風虛更積中奉恩旨不許重勞加以趨侍含元溫清朝夕承親無自專之道遵禮以色養爲先所以屢闕坐朝時垂學緒公潛申雅勗式薦忠規敬尋來請良符宿志自非情思審論義均弼諧豈能進此藥言形於簡墨撫躬三省感愧兼深文偉自此益知名

太子侍讀

唐書曰玄宗在東宮張說與國子司業褚無量俱爲侍讀深見親敬

又曰元和十二年諫議大夫韋綬罷皇太子侍讀綬好諧戲兼通小說太子因侍上或以綬所能言之上謂宰臣曰

侍讀者當以經術輔導太子使深知君臣父子之教令或聞綬之談論有異於是豈所以導太子者因命罷其職又曰呂元膺爲同州刺史及中謝上問時政得失元膺論奏辭氣激切上嘉之翌日謂宰臣曰呂元膺有讜言直氣宜留在左右使言得失卿等以爲何如李藩裴垍賀日陛下納諫超冠百王乃宗社無疆之休臣等不能廣求端士又不能數進忠言孤負聖心合當罪戾請留元膺給事左右尋兼皇太子侍讀

五代史後唐書曰倉部郎中何澤上疏請置太子侍讀勅旨何澤早處班行深明典制固根本而別彰憂國上封章而足表匡君其所敷陳實爲允當特議施行

太子門大夫

六典曰宮門郎掌內外宮門管籥之事凡宮殿門夜漏盡

擊漏鼓開夜漏上水一刻擊漏鼓閉每歲終行讎應經所
由門並先一刻早開若皇太子不在則閉東宮正門其宮
城使宿衛人應入宮殿者各於左右廂便門出入至皇太
子還仗乃開

續漢書百官志曰門大夫員二人秩六百石職比郎將
漢書曰文帝時晁錯為太子舍人轉太子門大夫

晉書曰太子門大夫局准公車令班同中書舍人主通遠
近賤表宮門禁防

唐書曰龍朔二年改門大夫為宮門郎職比城門郎
三輔決錄曰相帝以平陵魯寬為太子門大夫

太子左衛率

六典曰左右衛率掌東宮兵仗羽衛之政令摠諸曹之事
凡親勳翊府及廣濟等五府屬焉副率為之貳凡元正冬

至皇太子朝宮臣及諸方便則率衛府之屬以儀仗為左
右廂以衛之若皇太子備禮出入則如鹵簿之法以從
續漢書百官志曰衛率四百石主門衛
晉志曰凡太子出前衛率導在前廣麾外左右二率從夾
導輿車後衛率從在烏皮外並帶戟執刀其服並視左右
衛將軍

晉書曰劉卞為愍懷太子左率知賈后必害太子乃問張
華華曰君欲如何卞曰東宮儁又如林四率精兵萬人公
居阿衡之任若得公命皇太子因朝使錄尚書事廢賈后
金墉兩黃門力耳華曰廢立大事又非所能賈后微聞遷
卞為雍州刺史卞恐終露乃服藥卒

晉中興書曰褚翼字謀遠少失父以才藝堪幹立名肅祖
即位徵拜屯騎校尉遷太子左衛率

隋書曰宇文述每與晉王謀事及晉王為皇太子以述為左衛率舊令率官第四品上以述素貴遂進率品為第三其貴重如此

唐書官品志曰左右衛率各一人位視御史中丞各有丞左率領果毅統遠立忠建寧凌鋒夷冠祚德等七營右率領崇榮永吉崇和細射等四營二率各置尉
山公啓事曰太子左率缺侍衛威重宜得其才無疾患者城陽太守石崇忠讜有文武河東太守焦勝清貞有信義皆其選也

右衛率

晉中興書曰郗恢字道晡為太子右衛率恢八尺美鬚髯風神魁梧烈宗異之又曰吳隱之字處默太元中以國子博士為太子右衛率

沉約宋書曰元嘉中以王琳謝弘微並為太子右衛率

隋書曰高祖以太子勇知時政欲重宮官之資故以大臣領其職蘇孝慈自兵部尚書拜右衛率尚書如故上將廢太子憚其在東宮乃出為浙州刺史

荀綽冀州記曰裴康字仲預與弟楷為名士仕至太子右衛率

荀氏家傳曰車騎將軍悝字茂中山濤舉之為太子右衛率稱君清和理正從容顧問動可觀採真侍衛之美者

前衛率

晉中興書曰徐邈字仙民建元中為太子前衛率

後衛率

晉起居注曰建元十四年以太子中舍人郗儉為太子後衛率○宋起居注曰永初元年以徐佩為太子後衛率

六典曰左右內率府長史

掌判諸曹官吏及千牛備身之

二

唐書曰

永淳中以雍人元讓為太子右內率府長史旌孝行也讓弱冠明經擢第以母疾遂不求仕躬親藥膳蒸菜致養不出閭里十餘年及母終廬於墓側蓬髮不櫛沐菜食飲水而已咸亨中孝劾監國下令表其門閭至是巡察使奏讓孝悌殊異由是拜職

太平御覽卷第二百四十七

